



Bosnia and Herzegovina
Federation of Bosnia and Herzegovina

CANTON SARAJEVO
Professional Office for Common affairs

Broj: 17-11-9619-5
Sarajevo, 09.04.2020.godine

Na osnovu člana 21. stav (1) tačka d), člana 28., člana 64. stav (1) tačka b) i člana 70. stav (1) Zakona o javnim nabavkama ("Sl. glasnik BiH", broj 39/14), člana 6. Uredbe o obrazovanju Stručne službe za zajedničke poslove Kantona Sarajevo ("Sl. novine Kantona Sarajevo" br. 5/06 – Prečišćeni tekst), a na Preporuku Komisije za nabavku usluga u postupku javne nabavke usluga fizičke zaštite osoba smještenih u izolatoriju u „Studentskom centru Bjelave putem pregovaračkog postupka bez obavještenja o nabavci, načelnik Stručne službe za zajedničke poslove, je donio

Odluku o izboru najpovoljnijeg ponuđača u postupku javne nabavke usluga fizičkog obezbjeđenja objekta "Studentskog centra Bjelave" putem pregovaračkog postupka bez obavještenja o nabavci

Član 1.
(Predmet Odluke)

Prihvata se preporuka Komisije za nabavku usluga u postupku javne nabavke usluga fizičke zaštite osoba smještenih u izolatoriju u „Studentskom centru Bjelave i ugovor za javnu nabavku dodjeljuje se ponuđaču **Sword security d.o.o.**, ponuda 1648/P-04/20 od 08.04.2020. godine, zaprimljena pod brojem 17-11-9810 od 09.04.2020. godine za ukupnu cijenu ponude u iznosu od 76.616,00 KM bez PDV-a, odnosno 89.640,72 KM sa PDV-om.

Član 2.
(Prijedlog ugovora)

Ugovor će se dostaviti na potpis izabranom ponuđaču u skladu sa članom 98. stav (2) tačka a), a u vezi sa članom 72. Zakona o javnim nabavkama („Sl. glasnik BiH“, broj 39/14) (u daljem tekstu: Zakon).

Član 3.
(Objava Odluke)

Ova odluka objavit će se na web-stranici ugovornog organa www.sszp.ks.gov.ba, istovremeno s upućivanjem obavijesti ponuđaču koji je učestvovao u postupku javne nabavke, u skladu sa članom 70. stav (6) Zakona.



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220
Sarajevo, Reisa Džemaludina Čauševića 1



Obrazloženje

Na osnovu ukazane hitne potrebe za nabavkom usluga fizičkog obezbjeđenja objekta "Studentskog centra Bjelave", donesena je Posebna odluka o pokretanju postupka javne nabavke broj: 17-11-9619 od 07.04.2020.godine, kojom je predviđena provedba pregovaračkog postupka bez obavještenja o nabavci.

Nabavka se vrši primjenom pregovaračkog postupka bez objave obavještenja iz razloga hitnosti izazvanih proglašenom pandemijom koronavirusa COVID-19, te se odnosi na hitnu nabavku usluga fizičkog obezbjeđenja objekta "Studentskog centra Bjelave", a u vezi sa članom 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH", br. 39/03, 22/06 i 43/10), Odlukom Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Naredbom Federalnog štaba civilne zaštite, broj: 12-40-6-14869/20 od 30.03.2020. godine, Zaključkom Vlade Kantona Sarajevo, broj: 02-04-8471-1.32/20 od 03.04.2020. godine i Naredbom Štaba civilne zaštite Kantona Sarajevo broj: 08-40423-25/20 od dana 03.04.2020. godine.

Na osnovu prezentiranih činjenica, odnosno nakon provedenog pregovaračkog postupka bez objave obavještenja o nabavci, Komisija za nabavku usluga je konstatovala korektnost dostavljene ponude, te jednoglasno usvojila prijedlog da se ponuda ponuđača **Sword security d.o.o. Sarajevo** prihvati, te dala takav prijedlog rukovodiocu ugovornog organa.

Razmatrajući prijedlog Komisije, ugovorni organ je konstatovala da je provedena procedura javne nabavke u skladu sa Zakonom i isti je u cijelosti prihvaćen.

Na osnovu navedenog, odlučeno je kao u dispozitivu.

POUKA O PRAVNOM LIJEKU:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa može u skladu sa članom 101. stav (4) tačka b) Zakona, izjaviti žalbu u ovom predmetnom postupku javne nabavke u roku od 30 dana od dana objave obavještenja o dodjeli ugovora. Žalba se podnosi na način propisan čl. 99. i 105. Zakona.

Prilog:

Zapisnik o pregledu i ocjeni ponuda

Dostaviti:

1. Ponuđaču
2. a/a



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094,
Fax: + 387 (0) 33 562-220

Sarajevo, Reisa Džemaludina Čauševića 1

